

盤洲文集

三十



墓誌五

韓承議墓誌銘

韓氏自忠憲公以進士起家仁宗朝參大政其稱甚宗贈太師諱億有子八人達者半曰知制誥諱綜曰司空東園公諡獻肅諱絳曰門下侍郎諱維曰司空崇國公諡莊敏諱績襲貂駢簪天下尊公之生太中大夫贈正議大夫諱宗武正議生奉直曰通判洛州昭朝議大夫諱忠是為君之考君諱顯字少汲其先蓋真定人自忠憲居京師遂著籍君之

官調洋鄉尉禽盜滿品遷右承奉郎僉書運使判官廳事改廣西轉運司主管文字通判廉州肇慶齊德慶關守遂攝府事又攝南恩州六遷至右承議郎紹興二十三年正月戊戌卒年四十九妣榮氏曾氏皆贈恭人娶李氏大理寺丞處廉之女封孺人二子長元鼎次元龜元龜先亡君性精敏遇盤錯自喜以興利去害為已任見居官選而後者與民之所戚若疣贅在體必欲抉去之猾惡吏為息不敢為非然根於忠厚嚴而不刻在桂辦職有疑一時上官多聞人爭令出其門下在廉關決得其下德慶守貳交惡事廢不



振君至剔磔一新初公量制輸一耗三吏復並緣  
乾沒典負者肆其擾君毀且累息弊檢覈常賦無所漏  
失遂罷貢金之歛朘折租之直仁枯鋤彊公私盈足  
瀧水阨氏淵藪流逋奪民口鹵子女設牢檻搖毒一  
方莫敢悟君捕置于理百以件其治行勾諸臺聞之  
俾即真時連帥方公雅材丑相與推挽請于朝報未  
下至南恩不數日而死方公既遣君之猶子諶樞念  
其子少而故鄉未能歸也則為買地于廣之番禺縣  
王置原凡窀穸之事具為區畫以其年四月庚申葬  
之復具石俾文而納諸壙使其孤異時瞻拱不議歸  
葬有考焉銘曰

韓胄諸姬顯于宋之興垂祉續休代有名公卿裁犀  
斷蛟君發其矧曷界以封而查厥齡有鬱彼阡知己  
所營後人其昌視文斯銘

### 第三子墓銘

予佐天台郡罷有日聞家君謫夬州三表丞行時弟  
三子病創甫痂落次嫠女內子病且棘呼七男女與  
之訣獨是子傷鯁不自勝憇旁榻涕泗交下既少間  
予取捷道趨家君寓所及之豫章諸子奉其母還吾  
鄉閱月有執書汗而前者言吾子創之毒未蕩治隆

暑登道邪熱中蘊痞遂痢咽不粒者浹辰矣居頃之別膝下回見吾子岷然存其骨喜吾之歸則強內糜飲匙匕必吾親授斯湏不許離去日昊則命乳保拂笙枕以俟如是者二十日氣垂盡猶取松栳薦茗以進我忽曰我頭疼然際中得無風邪拔之起絕矣吾子名摺字習之五歲齒二兄從師即加巾不肯壯髮為小兒狀誦書酬對必欲偕仲氏或疾病休止則咨惋以為不能及苗而不秀命也夫其生以紹興十年九月之六日其亡以十七年八月之六日明王某月某日葬之滷潭祔祖之塋也心鄱陽洪某言之曰

豐州志卷之五

十一

十一

娶女之泣豈將與母睽乎豫章後豈忍死於侯吾之歸乎孰知夫彭殤天永之齊乎則吾能無悲乎

### 叔父常平墓誌銘

紹興十九年八月壬戌前提舉福建常平事公卒得年六十既歛猶子某日往哭退將比輯公之冑出官行俾其孤逸求聲於文者誌之逸拜曰適將以今之十一月壬寅歲大事苟遠取達官聞人懼不及期敢以屬吾兄某辭不獲乃為之文曰昔包犧氏既襄共工氏以水紀伯九域共氏其後也後世避怨為洪氏在吳有廬江太守矩在唐有集賢學士孝昌五季

亂始自歙徙名數於饒之樂平又七世始家鄱陽諱  
某於公爲曾大父生贈中大夫諱某代有芬懿薰範  
鄙聞中大生公之考諱某至給事中終徽猷閣待制  
荆湖南路安撫使贈左光祿大夫政和中給事公歷  
三院御史拜瑣闥立朝八年公入國子學磨礪有過浸校  
官第文屢占異等以蔭授承務郎監在京草場淮寧  
府工曹以給事公沒喪監洪州苗倉江寧府司錄  
京東制置司公辦公事通判密州劇賊丁一箭王大  
刀衆數十萬抄郡邑圍城七日矢石旁午樓櫓摧塌  
公登陴勵衆矢着右股無懼容乃造檀笆木架爲蔽

盤

二

四

扞守者賴之夜遣壯士火營毀其攻具賊不酬欲而  
去密人德公歲時蒸嘗之入通判江州未行丁張夫  
人憂沒喪主管江州太平觀台州崇道觀四清秩又  
通判鄂州未行擢提舉兩浙市舶賜五品衣魚遷提  
舉福建常平茶事福州民張圓覺自言遇鍾離先生  
授以五花杖因薊髮從浮圖教頗能談人往來證顯  
粵機鬼媚佛一咻千煽闕然神之謂之張聖者扶携  
耆稚丐庇凜雪至暘磬道上無退心嘗欲作建州大  
中寺齊民聲譽積日薦百万惡少年板名伍中潛  
有不逞謀它在位者尤豫福禍茹不敢宣公斧其杖

迎刃而碎惑者始靖遂以狀聞驗治抵法攝行憲事  
半歲多所平反公自少棲心禪宗在建康日從南道  
銓公遊嘗夏行縣犁明陟山日初吐輿人呼蓋聲受  
虛谷豁然有得遂稱一了居士板輿養缺即坦坦無  
官游意庵居窮山蒲茵楮帳而已嘗識于壁曰山居  
不問人間事飽飯支筇看補籬不治官簿十有四年  
朝廷休之起貳武昌先葬元配於城東懷德鄉之上  
福里公自爲壽藏閩川八還乃簡材市甍欲營道院  
於墓側曰軒裳非我嗜也將時遷人事常羊餘景不  
幸遇疾既亟家人欲禭老氏公曰死生夜旦爾何

禱爲將易簣召薦福道師與語世間法寄祿七遷  
至承議郎既納祿建右朝奉郎公諱昕字光佐母張  
氏永嘉郡太夫人三娶皆王氏前孺人真定府路安  
撫使贈少師本之女通書能文尤尚竺典盛年去粉  
黛之飾自號寂照道人次孺人提點江西刑獄汝舟  
之孫亦先公沒今孺人其姊也男右從政郎鑄錢司  
檢踏官逸五女長居室次適左迪功郎建州州學教  
授李綺餘尚幼孫男三摺椽櫛女四公色溫氣平喜  
愠不形於顏口無調言接貴賤尊卑一如聞人一長  
不啻己有在閩部中官屬有獲譴其長者必曲爲營

護凡居官不為驚人耳目事以壓衆牽譽去咸思之  
為銘曰仕不汲汲西都之揚丁年聞道襄陽之龐晚  
選其時弟高厥飛人以拙歸一笑領之天不祉公公  
則無憾琢碎于石式歎其坎

趙孺人墓銘

有宋賢宗室女出口永熙陵蓋漢之六世孫湖南部  
使者士鵬之第五女年十有八為我伯父桂林郡通  
守番陽洪公諱昭之家婦江西部使者屬諱壽卿之  
繼室有淑行馴德詣于上下人不見其愠容予群從  
兄弟三十人君為丘嫂合貴賤指三千譽之一口姒

袁州志卷之十五

六

王本

袁州里聞者皆賢之凡十三年而寡人以君華年妍  
狀必不父於洪氏既三年湖南公守臨川遣其弟迎  
之車乘鮮明甚都既至綺寮廣廈絲竹攢耳頤指如  
意方擇賢士為匹偶君誓而弗許曰姑老矣二子童  
駮不敢以累老者父母百方不能奪俄狠請而歸入  
門欣然不以見紛華而改其操桂林公沒世父王夫  
人齊家井井有條序而貲橐不豐江西君無同父弟  
闈以內惟婦姑數穉人其宋濬不可一朝居而君泰  
如也時節宗戚相問遺君不少闕斥簪珥囊衣自辦  
不以告其上或遺之鮮衣必獻諸姑有副而后敢服



姑疾煮藥進膳不懈夕則侍寢有間而后敢退掃一室夙興誦旁行書已則閱稗官說有他出二子誨其箴縷之事常在側家塾晚休必使誦書于前其遣閑謹獨之術如此與諸姒不帝若同產以斯湏不見面爲懷遲明女奴絡繹訊與寢狀既盥接踵省問移晷不忍散否則爭相迎致趣之者袂相屬步搖所向和氣隨之東往則西怨曰奚爲後我無少長剛柔咸慕而歸象之女嫁矣其節益堅紹興二十八年七月己巳食於姑前失匕筋而暈年三十有八尊卑內外哭之過乎哀擁其息也術其庶也右承務郎汪德輅其倩也次年十一月甲申對於郭外土湖之陰其皇辟之宮也昔魯襄公二十一年宋災火至伯姬之宮左右請避之伯姬以不見示傅之姆夜不下堂遂死于火孔子賢而閔之其卒其葬已見於春秋又書其謚又書其送葬之卿蓋其責深廣之風日衰鮮克以禮自防況於諸侯之女乎八巨室名門華衣蠶食圖史不關其心悍妬奢淫者多矣况於天子之裔乎此而不銘孰可以銘銘曰怨耦借老冶容壽考緘恨重泉嗚呼天道

鄭宜人墓誌

有素冠踵門遙望文書銜袖謁入則孫君某老也外  
自賓階予敷席肅之坐作而曰某老不孝之罪上通  
于天每生衰經中不可復名為人昔者母氏常曰吾  
與汝兩家大父俱以儒學射科帥節州符丕受光渥  
汝必強學趾美母作前人羞某老年益長業益不成  
以墜我母訓既調建昌司理叅軍母氏則曰彼染珥  
華之俗多推埋茲典獄之責重汝狹中不善媚上官  
弗戒且賈斲某老又墜母訓不能書紳三省考滿未  
得代遭誣成獄以囚服往母氏方枕疾聞之寤劇某  
老碎心齧舌懼不一見慈顏即日取爰書自証而母

氏終不能起鉅創沉痛不若速化跼蹐天壤何以贖  
莫大之釁獨求文納壙使壺範振白於後庶幾少塞  
凱風寒泉之思復念曾大父太中公繇臨朐徙江陵  
有田荆門而少師公墳墓在焉吾父客番陽十五寒  
暑與公里門相望今陸走二千里泣血護櫬歸窆大  
父之塋之側復在公封內敢以銘為請予既際孫氏  
父子於吾鄉又將假守其鄉無說以辭乃受其狀而  
叙之曰宜人鄭氏嚴之建德人左朝請大夫知宿州  
諱弇之孫江陵丞諱續之子左中大夫徽猷閣待制  
鄭延路經略安撫使贈少師諱琦之婦右朝請大夫

知汀州祖善之妻四男長某老以建昌故貶秩一等  
為右從事郎次彭老右迪功郎監南嶽廟先卒次亨  
老將仕郎次永老二女子長嫁進士李良翰次未笄  
孫男二人女二人凡為孫氏婦四十有五年從夫爵  
三受封自孺人為宜人以紹興二十七年四月十六  
日終其壽六十次年十一月甲申葬于荆門之長林  
縣白楊鄉柘子步初宿州以女女少師有賢行是為  
越國夫人孫氏嘉夫之德欲締好於鄭越國廼擇  
其姪以室其子宜人在家警慧柔靚不流侈習喜圖  
史箴戒之書既嫁不以世姻而簡尊卑之禮謹謹婦

道不見缺虧省問燠寒抑搔苛養退則臨滫瀡薑桂  
之事宗族稱焉靖康之難汀州官于汾寇至將閉關  
宜人曰老姑萑遠必子孫為憂事急矣母特俱死君  
守職不可出我則攜帑去之遂蒙犯犴虎嶠嶇走家  
越國相持以泣倚門之念猶不替宜人委曲寬曉居  
云何汾州更盡還當是時微宜人老者幾不能生盜  
亘江漢盡室順流而下旅食三郡伏臘不腆宜人衣  
履食惡不槩懷及汀州三仕半刺史家道少振宜人  
益霜儉服飾不事鮮好持不殺戒且無貳味信釋家  
者之說旦旦取其書誦之訓子至孫仁浹婢御無毫

緩冒疾心汀州老於宦途多內助也予聞其人其愛  
厥子而建昌亦孝世無鍾離公弗使脫幽園以獲歛  
其肯惻然於陸氏一杯羹乎哀哉乃為之銘曰  
孰饑其子使母戚以死闕地其從姑茲惟受祉

盤洲文集卷第七十五



字宗

*[Faint bleed-through text from the reverse side of the page, including characters like '字宗', '其肯惻然於陸氏', and '一杯羹乎哀哉']*

蘇州文集卷第七十六

墓誌五

劉府君墓誌

紹興二十六年十月癸酉成都劉府君卒于梁山年六十五其孤徒行迎柩以明年十月辛酉葬于華陽縣普安鄉白土里又明年十月萬州使君仙井何公檣船江夏予造焉萬州曰室人擊鮮治具謂當有嘉客而君迺肯臨我則開口一笑良已前定因出諸郎行酒曰是皆劉出也劉公成都人有二女其長歸于我若干年而逝繼室以其季公疏財好客其女曰濡

耳習咸有家法越三日又會于南樓曰昔吾守景陵也公曰聞雲夢澤之名舊矣不一往非鄙則病遂銜舳東下山容浦思振筆朝塗興遠辭綺紈積囊篋一旦蜚歸心縈酒展別摩拊甥孫悲來下泣嬰恙中道以不起聞今既寔且祥矣未文其壙非君其誰宜為萬州英邁不虛美者予曷敢不諾乃考其辭曰劉在成都為右姓群從同坊閉閤相接所謂夾寨劉家府君少不群有奮拔志嘗曰劉氏善富數世所不足者非財也不學無以崇孝享宗則作家塾聚書景師友合同族之子姓朝夕咨討居亡何從兄長源擢政和

進士科府君諗于衆曰非舌耕明驗歟入類宮以詩  
學屢最其列從兄蔽為戶部郎又入京師有聲于賢  
關月校季選同舍生自以不及府君有寶帶鼎貴求  
旃弗與或曰啗之可以仕子何愛焉曰學不遂命也  
帶其褊矣既而曰匹夫懷璧罪將及即拂衣西歸慧汜  
三徑與雅人望士日娛其間奴僮走異味於數十百里  
外觴豆雜襲放歌樂飲井中車轄後前相因少城為  
冠蓋衝遊客入疆聞府君家居則策馬徑進否則不  
歇鞍而行仕其邦者府君未嘗賚刺過之便坐有棋  
局客至必對韜其藝不盡出也會通國之善者與也

終日不名負勝人始驚其亦思無敵同產者身不  
能過則自占田廬之下下者或緣手盡復推予之綿  
州守臨邛朱輅簡州治中唐安楊次臯茶馬屬和義  
王興孫其女兄弟之夫也白頭交驩無違言好施惠  
出天性凡以冠昏貧病死徙叩門到貧無戚疏高下  
皆實而歸至有爭鬪不到官府惟府君曲直則頰首  
聽命始冠有外姻為亡賴子所辱過之塗與俱立縣  
尹庭下其人少長山谷間未識市井詣曹不能出一  
語府君抗聲為辯數得直衆繇是異之紹興初胡馬  
犯饒風蜀騷然不安急欲遁逃府君曰虜入漢中樵

蘇不踵前有劔關後有河池重兵必不為我患與其  
宗家高枕不去蜀人曰夾寒劉家未避賊皆復治生  
業後果如其言晚以賞延得將仕郎非其好也時進  
士兄以湖北使節攝行帥事屈府君莫府意不懼  
而去府君諱革字某曾祖諱某祖諱某生湖北常平  
諱某以故累贈朝議大夫父諱某妻某氏子某嘗試  
禮部孫某壻則所謂萬州使君今為右朝請郎名桀  
靖康相之弟也銘曰 簞食金者衣需衣官桑榆者  
倒行逆施則輕毛登祿不可羈嗟若人者幾希

### 朱安人墓銘

夫人饒州樂平朱氏贈右宣教郎同縣夏公諱某之  
妃左朝奉郎知洪州南昌縣康佐之母夏氏三世壽  
母年皆望百夫人始執箕帚逮事祖姑以二其姑節  
適寒暑燥溼進甘毳唯謹有疾視絮湯液不去側縱  
紉漱浣之事必躬親之人故稱為夏氏孝婦勉其子  
子游學四方有籍籍聲人故稱為夏氏令妻蚤處居  
家滯貧或休其事心姓則毅然自誓誨其二子曰康  
又爾幹家之蠱母遠任伯以奉我水菽曰康佐爾努  
力校官究六經百氏之說毋荒于嬉以開厥家二子  
銜訓不怠夫人見其伯焦心治生則喜仲旬歲一歸

叩其說則又喜天子即位于睢陽仲徒步入闕上疏  
論時政嘗求可使絕國者其子在選中或以親老尼  
之及歸以告夫人譙之曰立功名顯父母其孝大於  
錄錄鄰下也其後仲子擢進士丙科壹為尉再為令  
奉板輿之官事有疑必啓而後行夫人嘗以省刑罰  
薄稅歛為戒素有識鑿其子與僚明接必從屏間竊  
聽其語已而曰其賢人也可以乞某小人也欲其子  
必思有以遠之故稱為夏氏賢母夫人生少疾春秋  
高視聽不衰食生飲寒少止而不忘其養并慶會內外  
戚疏遮前塞後以其次世世不絕其德之既多而不

亂以子恩封太孺人又進大位以紹興二十七年  
六月辛亥終壽八十有四葬之三月辛某日其人其  
壻也孫男四人女六人曾孫六人元孫一人顧言曰  
勿遠營宅兆康依乃卜所居之西惟錦坡食蓋其縣  
之某鄉某里也以次年十一月壬申塋之書幣來謁  
銘始予舉博學宏詞南昌是同年進士講同郡之好  
而知其學問之富予貳郡天台而南昌官奉化壤相  
接也則聞其官事之辦及予省親炎荒拜道江右會  
之于吉水又會之于南昌益得其絃歌之績母之教  
然也其可以不能銘為解乃銘曰邊劔孔時蘋以莩



之不愛其織惟樂告之有言恤緝誰者導之黃髮紫  
誥斯其所以報之文其哀石後也考之

向通判墓誌

公諱仲堪字元仲饒州樂平人紹興二十七年三月  
甲午以右朝請大夫通判贛州卒年五十八後二歲  
子守荆門公兄直祕閣伯奮以節節公之為事言曰  
吾昔為吉州元仲自贛告相見與公臨別言曰日夜渾  
其下第弗至而訃寔聞在原之痛時時可來猶昔也  
行歸掃先人墳墓附其葬公歷於一命不得視其棺  
入土天將何以紓吾悲將一銘納諸石中使死且不

登世八十七

五

五

朽我亦投淚不恨子曰贛州云當銘公言不可忍聽  
其能飾以辭會子之歎未之休今年其子友益卜四  
月乙酉合夫人氏之喪于縣豐樂鄉書澤之山遂  
以祕閣公所為狀來一君忘荆門一子于即日次  
其事一子姓派於宋聖春秋以來稱出有人至我宋  
復盛有篤行君子諱宗尹者生右朝奉大夫諱蔚大  
夫生贈少師諱久中嘗知汝州至徽猷閣待制娶丞  
相清源王女曰魏國夫人何氏是生公公方少時頭  
角巖巖然補太學弟子負一時儕流傾下之以門功  
脫褐授承務郎主管吉州明道宮攝開封丞權貴人

請託不聞耳朝士一辭賢之監在京都茶庫豐受賞  
渥定日版曹借以臨劇至輒辦再滿秩改監京西排  
岸司宣和中詔舉材可治民者公爲戶部尚書康公  
勅權得遂知福之長溪縣繩蕪液枯剖析滯訟效異  
等驗白瀕海作戰艦起緡錢它邑騷動惟長溪無秋  
毫擾丞相李公綱言公可用通判洪州江西故多盜  
帥梁公楊祖以嚴治者必抵死嘗諉公審二盜吏  
抱成案來前摘公書繼尾公問盜言不吏曰盜服  
矣官當占位落筆尚何問公曰吾不見囚則如勿審  
同寮或訐其立異公曰得一切便宜從事者帥也付  
之吏則有三尺一執不回盜得死減論柔大喜自是  
爲霽威盜有生者莫府事無巨細必參公謀居云何  
梁入爲兵部侍郎語人曰吾見上堂書善向君暨梁疾  
不能朝公亦以憂去又通判池州贛州贛平叛卒喋血  
之餘百姓用免毒螫公數行太守事摩撫瘡痍流庸  
盡還大賈訟益債輟繫數十百人延歲月不決公曰  
質劑按牘今焚云餘矣窮民繫牢戶非瘦死不得出  
爲白外臺請之朝咸得釋公智略炙輠見事風生持  
論纏纏有本末坐上客傾聽方事之叢它人圍視無  
措公笑語指麾永釋縷解使有位於朝其建置當不

錄錄或專一城使一道必能爲人所難惜乎年不過六十位不過州佐地才弗施事止此配何氏直龍圖閣琬之孫魏國從子也事姑孝藥膳非經手不進誦釋氏金剛經悟四句偈臨終沐浴更衣集子婦付家事一語不亂公卒之明年六月辛卯也年五十七累封宜人男子六友益右從事郎淮西江東總領所贍軍庫友旦右迪功郎廣德主簿友蔓友正皆將仕郎友恭未仕女子二長適右迪功郎之次主簿程湜孫男三可大彌大必大孫女四今年實紹興三十年銘曰厥智穀轉猶不弗衍前輓後推止刺史半彼平平者印纍節召縮手裏間下頰以笑貴潭之宅維龜墨食後昆振振曰君子澤

徐府君墓誌

紹興二十九年慈寧宮太后聖壽八十天子進觴展慶推錫類之澤凡九品有秩其親耄齒者咸得官封饒之樂平徐君諱某以其子前太平州司戶叅軍某之故特封右承務郎致仕制書下君秀髮豪眉舒紳擁笏偃躬下拜孫曾繩繩導趨後先遠近姻族無少長皆往賀象軸錦韜爭狀先覩君侈上之恩魚羔酌醴日與賓客相娛樂絲竹筦絃之聲輩作蕭餞酬對精

神不少衰以某年某月某日卒春秋九十有一子中  
表或與之有連不憚嶺阨袖其事來乞文乃為之崖  
略其說云君之字某某其先自洪徙焉曾大父某大父  
某生廣東轉運副使某累其贈至通議大夫父某君  
嘗提筆與逢掖游會親疾歸視方藥訖喪遂無干祿  
意隱居治生其心計絕人遠甚不夸多田以園奪窶  
人子不以子金錢未倍稱之息不射時幹貨以龍斷  
一鄉閭數年錢派此上乃築室石硯之陽走奴隸求  
古今方策于異州旁縣延致知名士教勒子孫族兄  
某擢江東使者節番其治所也君則閉關省人事家  
書為之踈闊歲乙卯大飢米石至萬錢皆閉糴君傾  
困不小斲又輸粟郡郭聚餓者于僧坊哺之或求其  
別圃君曰是嘗以佳花遺我歸其金而予之券或以  
田質積歲無以償則火其券約聞人急周之唯恐後始  
室某氏再某氏四男某某某某三女為某某某妻孫  
男若干女若干曾孫男女若干君自擇壽藏于某鄉  
某原卜六年某月甲子寔銘曰

富而仁善充其身旌期而出綸有息業文宜昌而屯  
將在後之人

白宜人墓誌銘

紹興三十年冬直寶文閣許公遣書抵予曰吾不幸  
失匹將以日月葬方整比事迹須君爲文以銘之予  
曰公我文人行也而從妹又辱爲介婦我於東阡北  
陌聞聞宜人壺德舊矣敢不諾居無何公亦以訃至  
會予持節過家其孤聞詩迎于道手母氏之狀曰古  
者有掛劍之信君忘之手先君有治命敢以請予即  
受而叙之宜人白氏諱慶通字慧應太宰秦國公相  
徽宗諱時中之第三子也相在位時呼延夫人即世  
二女已媵遣闈以內宜人悉尸之媪御數十輩事以  
小大必咨而後敢行其願百條序雖老成人自歎不

及丞相愛奇之遽所歸於是鄱陽許公擢第有令名  
遂歸焉舅姑春秋高安於鄉里朝廷設八行科郡以  
皇舅金紫公應令深評不出宜人生不及盥饋暨持  
喪哀矜過制歲時祭祀則臨庖厨晷滌濯執器上食  
必躬親之遇諱日口誦佛語不輟雖逮事者不能過  
也寶文翔歷內外五十年帥節州麾所居播惠闡助  
爲甚多謗起桂林將簿對比郡宜人曰君俯仰無一  
毫愧怍行乎庸何傷公既直所枉猶坐瘦死者爲累  
家食垂十稔宜人慮公以榮槁綴懷客至修具甚設  
使相娛樂平居對案而食僅一筍前日下吳必舉觴

三五行如賓朋然故寶文方羊沐壑泰如也宜人生相家乃不喜文綉珠翠之飾所謂時世粧者見則鄙之諸婦若女從其夫之官必以向慕通家爲戒曰富貧不併日語奢儉異尚或耻或羨則不安其室矣一日呼季女啓笥曰吾周身在是家人驚問之不荅閱日而逝三受封至宜人壽卒七十有二卒以二十九年十一月丁未葬以三十一年十一月甲辰兆以樂平縣長城鄉之知龍坡子十人男聞一右文林郎徽州績溪尉次聞義前卒次聞詩右文林郎常州晉陵簿次聞禮右修職郎純州巴陵尉嘗貢禮部女長

前卒次嫁右通直郎知蘄州壽州縣管鑄右承事郎徽州祈門丞程遯通仕郎胡如愚二尚處嫁程氏者亦前卒孫七人壽俊將士郎壽朋壽祺壽豈餘女也白氏故某州人有女神武將軍者在國初勲臣籍生保州刺史諱延嗣太平興國中賜第京師永昌坊贈相國公葬于壽春其後遂爲壽春人保州生累左驍衛將軍諱文質贈燕國公以女妻大魁劉燁於布衣時故其子始用文變武進士起家歷守蔡潤二州有能名贈魏國公諱某爲宜人太父自保州而下以丞相故皆贈太師金紫諱某寶文諱某以左朝請

大夫復直秘閣後宜人若干日而終銘曰  
生身相門修習弗蹈媿德儒先鏘鏘偕老雙劍聯飛  
松栢夾道有子有孫為善之報



盤洲文集卷第七十六



按五洲二八二六

十一

*[Faint bleed-through text from the reverse side of the page, including characters like '大夫復直秘閣後宜人']*



集卷七十七

誌四

慈瑩石表

大夫沈氏常州無錫人祖諱宗道曾朝請郎考諱復仕至朝奉大夫贈左中奉大夫妣令氏陳承政繼五年先君及進士第太夫人之兄太學博士松年在京師聞先君名定昏焉先君既調官與太夫人歸鄉家故貧有妹未行太夫人傾奩中裝資遣之先君官浙東西奉祖母安輿太夫人承顏色一以順朝晡所食寒燠所衣節適盡志祖母即時病視絮湯液不去

長子適財十三穉兒多未免懷不敢以家事辭繫太

側夜分不脫衣倦則假寐建炎三年先君奉使朝庭時祖母年出七十方寇盜旁午外無寧處泊家秀州長子適財十三穉兒多未免懷不敢以家事辭繫太夫人是賴它姬有子太夫人恩之有過於己出者一姬甚器以太夫人鍾愛其女意小不懌故笞辱之以撓太夫人啼聲一聞則感然見顏面必俟其嬉戲復常乃悅終不少譴其母蓋其仁厚出天資行於自然未嘗有所彊勉數數然也生理既薄所仰以給者唯先君奉入衣服飲食取財足至諸子買書或捐錢數萬不靳訓之曰爾父以儒學起家爾曹能一人趾美





我不恨嘗爲之迎師千里外雖隆寒盛暑不使輟叔  
氏之妻既移夫於他門矣復失匹無所於歸太夫人  
并其母畜於家不與娣姒時異訖又嫁迺已平生靖  
重口不挂人之過差心不念人之舊怨左右僮侍不  
聞一厲聲見一怒色盛德著于閨庭放乎鄉黨遠近  
戚疎識與不識講太夫人賢以爲口實紹興八年十  
一月二十三日不疾而終享年五十初先君官吳久  
又寓秀男女昏嫁在焉太夫人稍儲奉餘買田一壩  
於舅氏倉卒棄刀筮鄉闕回遠莫能辦歸計諸子稟  
舅氏指護輓往無錫以明年十一月辛丑葬于縣開

化鄉白茅山之原之四年先君持節南歸祖母故  
無恙所留九男女皆在旁而太夫人獨下世先君痛  
之常欲反柩於鄉而陰陽以爲吉卜不克遂後十二  
年先君薨諸子用以不敢祔二塋相望千五百里  
春秋祭祀弗洒弗以通判常州日以行祿敷上塚  
适使浙西即移官廬以拜墓下前年遵守吳門始  
能立屋數十楹於墓道西居僧以職香火邁官于朝  
從督府江上繼以使客且報聘六往來縣中皆以  
王事奔命不獲往松秋結戀爲諸子無窮悲今适在  
京口尺五拱木扁舟三日事爾而又不能孤墳異縣

懼數出之下樵蘇之不禁也乃書石表諸隧上陵湮  
谷變知其爲鄱陽洪氏慈瑩尚勿圯也太夫人以先  
君恩封令人贈碩人以尊入翰苑贈淑人以四子恩  
追封鄱陽郡夫人以尊入樞府進博平郡始時執喪  
者子孫十人歷二十六年唯它姬子瀨不幸死凡男  
女孫曾其存者三十有九蓋子十五人八男七女适  
尊邁以太夫人薨後始中博學宏詞科遂饗官榮蒙  
祿仕而三釜之養不洎矣悲夫适今為左朝請大夫  
戶部郎中總領淮東軍馬錢糧適左口大元同知樞  
密院邁左朝奉大夫前起居舍人邁右承議郎鑄錢

司主管文字遜右宣義郎浙西安撫司準備差使遂  
廷皆右承奉郎女三蚤卒嫁右從事郎董公衡公  
衡卒更嫁左朝奉郎楚州通判余執度次嫁右承直  
郎王駮次嫁將仕郎戚棟次許嫁同進士出身朱晞  
顏孫二十四人十四男十女觀秘楷擢樞掇樞樞  
樞樞柳機楠觀右迪功郎湖廣總領所幹辦公事秘  
右修職郎楷將仕郎橋右從事郎與秘皆監南嶽廟  
擢將仕郎楷右承奉郎許嫁之二女婿左承事郎僉  
書平江軍判官木待問左迪功郎饒州司戶許及之  
曾孫四人男曰忱先君諱某終徽猷閣直學士鄱陽

侯賜謚忠宣累贈太子太師

羅尚書墓誌銘

公羅氏諱汝楸字彥濟其先自豫章辟五季之亂徙家于歙遂爲歙人曾祖諱仁昇祖諱承吉考諱舉以公故累封至右朝請大夫羅本春秋時小國在襄之宜城又徙荆之枝江偃姓皐陶之後國近楚後爲楚所并苗裔遂氏其國涉晉訖唐間見史策其名未彰徹至公而羅氏始大公強記妙言語年十六貢辟雍角出儕類鄉先生胡仲爲司業每對客誦其文博士毛友龍雅好古能於稠衆中辨所作第政和二年進

士教授郴州眉山唐庚見其詩擊節賞之改興國軍永興丞遭母胡宜人喪後爲池州儀曹歷江東轉運司幹辦公事通判江州權攝院計議官又通判鎮江府監登聞鼓院除大理丞遷刑部員外郎以次面對謂養子之禁不寬則殺子之風不革請因貧困而以襁葆之子與人老母抱以異姓占奏詳盡即拜監察御史不閱月遷殿中侍御史撫州兩陳四繫獄誤論輕罪者死公上疏寃傷之始詔天下斷死刑守以下引囚問姓名鄉里然後決廷議防守江淮異同乖戾公言大駕幸臨安以江爲墻壁淮爲籬落二者備

等耳今武昌至當塗營壘相望淮濱獨山陽一軍非策也劉錡以孤軍卻敵于順昌它師亦踊躍爭奮請更成以休其衆間諜各私其壘封言人人殊請西府擇一謹信者總其事江三群盜窟穴潮漳之間蹤捕者不越境請三路憲臣通治之三部符一部和民口緇絹一縑八千請從其便輸本色或以田業多寡率財供軍公言州縣有被災害合四以上及盜賊未衰息者若雷同箕歛則民不堪命宜以重賞請刪其科又乞調武人作兩淮守備都統以護湖北諸屯革竄名賞籍人以勸立功者遷起居郎權中

書舍人遷右諫議大夫兼侍講上問或謂春秋無褒然乎對曰春秋上法天道春生秋殺若貶而不褒是有秋無春也上曰自王安石廢春秋學聖人之旨寔不明近日得其要者胡安國與卿爾中官梁邦彥用藍珪例免減借月廩外戚錢愷用潘長卿例落階官公皆論其不可又請獎用五嶺進士以風厲遠學遷御史中丞條陳治獄理財宣詔握兵之弊皆中時病或請下州郡分椽屬比輯續降條法施行之公言祖宗畫一之法悉出仁恕艱難以來竒請它比有罔密文峻之失其便於後者宜疏爲令否則削之馬院官

占富陽沙田為牧地馬不至而民代輸如故公請還其地予民遷吏部尚書兼侍講東朝歸自朔方天子以孝治天下廷中持橐而奉親者公及魏公良臣林公待聘凡三人公在經喉上屢問卿父安否嘗以當遷一官易緋魚為親寵頃之以父母春秋益高猥求便郡奉甘旨除~~某~~士知嚴州三衙卒入州境捕民為兵公歸之有~~某~~始王遺鞍馬練帛之物甚腆公~~某~~而果有~~某~~請白鳥集黃堂其僚欲奏瑞不許居~~某~~旬閑提點江州六二與國宮四其任~~某~~字為~~某~~山~~某~~陽疏嚴勵整亭~~某~~美~~某~~廣父子

卷之三十一

白首鄉鄰榮之歲在戊寅大夫公即世公既喪茹哀後二年五月丁亥歲年~~某~~興二十八年也積官左朝請大夫既謝事~~某~~代~~某~~贈四秩長子遇明堂恩贈~~某~~通奉大夫爵新~~某~~郡侯邑戶一千五百實封三百三淑人呂氏王氏俞氏後二年三月乙酉葬于縣之~~某~~仁鄉汪龍原以俞淑人祔六男子今皆除喪矣~~某~~言~~某~~言~~某~~部湖北安撫司主管機宜文字顯右宣教郎主管崇道觀頡右承奉郎監泉州市舶務頡右承務郎監鎮江府排岸願右承務郎監饒州景德鎮頡右承務郎監臨安府新城稅二女子右從政

郎荆南節度推官胡昌右奉議郎僉書常德軍節度判官俞穉其壻也孫男十三人表臣右承務郎監宣州水陽鎮扈臣右修職郎婺州蘭溪簿元臣介臣克臣信臣世臣力臣似臣岸臣縉臣正臣扈臣女三人曾孫男二人公形貌頎碩音如鴻鍾上嘗謂其南人似此平生寡嗜好於物無所玩自以布衣起閭巷服飾皆事朴素與人交不強相取下對人言若恐傷之或有片善稱之不容口可以推數則舉手不以為難其學問醇正筆力雄健言必關於教化不出奇以謹衆取寵前後論諫數十百篇及後世盡釋然皆忠厚

卷之二十一

三本

之說入朝八年以令名始終不一遭謫嘗有東山猥藁二十卷奏議八卷外制二卷歲子始某舉博學宏詞公實持文衡及徽守新安公殯在堂入哭之慟諸孤慙然來謁誼不得不諾去郡之明年乃克爲之銘曰

羅以國氏臯祖咎終晉書有人未都大僚揭揭尚書超軼系譜奉翔帝城日結當宁臺評諫紙霜凝筆端語妙鷗閣弊革天官論思十載名聲寡雙河圖峻職釣瀨輔邦七十執喪華髮素鞵終始宦歧瑩無一失汪龍之陽松栢布布四山如厲來閱冠履

俞淑人墓誌銘

龍圖閣學士新安郡侯贈左通奉大夫羅公諱汝楫之夫人湖州安吉俞氏女也曾祖諱汝尚屯田郎中贈左正議大夫祖諱溫父朝議大夫贈少師考諱侯敷文閣直學士吳興郡侯贈右宣奉大夫紹興二十八年五月十七以八月二十五日終積封淑人又二年三月乙酉合葬于徽州歙縣汪龍之原淑人柔嫺簡靜幼不嬉弄暗誦孟莊諸子書知婦人法度之事刀尺縫紉不學而工母和義郡夫人陳氏性嚴淑人垂髫在旁遇其笞怒妾媵必委曲營護謹者多賴以

免吳興公綉衣持笏過江東聞新安公之賢以淑人配之新安公筆耕起家尚儉社門中無華靡之飾淑人來自冠族處之晏如前夫人有四子愛均己生新安公在諫垣御史府吳興公以從橐丑京兩家鼎貴金絨照映淑人出觀其親有侍鄰之孝入翼其夫有齊眉之敬左右內外不一見其驕奢之色新安公退而里居淑人則進其子于學晨昏定省必問所以修業狀俱卓然有立嗚呼其賢如此四子頡臬州市舶務頌鎮江府排岸願饒州景德鎮類臨安府新城稅頡右承奉郎頌以下皆右承務郎孫男五人女一人

某既為新安公作銘其子復以淑人之銘為請乃銘曰父兮顯顯夫兮振振其生也何恨山兮聯聯水兮

### 萊國墓銘

萊國夫人姓沈氏諱德萊常州無錫人左中奉大夫諱復之孫太學博二諱松年之女魏國主一之姪年十有六歸于此氏為太師魏國主一之家婦尚書右僕射同中書門下平章事魏文獻王一之孫陽公某之夫人事魏國南二年自嘉禾奉在無錫治葬時魏公留北庭子家人弟妹食其種萊夫人職其憂服

世宗

王

後魏公落南二一歸下曹委一廢錮又生來鄰下家用益不足一公一謙無不質諸人如是一星終夫人不戚戚也暨天日清明子赴典州歷侍從持鈞樞問八年夫人六拜恩封至賜國子萊始訢訢信眉償已往因未嘗以榮渥自六子從會稽歸得別墅于城陰築臺觀執花竹夫人喜同其遊臨水看山常至日具歸則孫枝詵詵含飴足樂拊育僅幼極其慈愛不幸枕疾七寒暑以淳熙六年八月二十一日薨年六十有一夫人性和平易口不道人長短故中外皆以疎近族嬾終始無違言昏嫁叔妹五盡心不諱勞汗







